

**Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
ԱՐՏԱՀԱՏԻ ՍՈՒՐԲ ՀՈՎՀԱՆՆԵՍ ԵԿԵՂԵՅՈՒ ՕԾՄԱՆ ԱՌԻԹՈՎ**

(31 մայիսի, 2015 թ.)

Յանուն Հօր եւ Որդւոյ եւ Հոգւոյն Սրբոյ. ամէն:

«Տէ՛ր, սիրեցի զվայելչութիւն տան քոյ
եւ զտեղի յարկի փառաց քոց»
(Սաղմ. ԻԵ. 8):

Սիրելի՛ հավատավոր զավակներ Մեր,

Առ Բարձրյալն Աստված գոհաբանությամբ՝ սրբալոյս մյուռնով կատարեցինք օծումն Արտաշատի նորակառույց Ս. Հովհաննէս Եկեղեցու, որը պիտի հավելի օրհնությունն ու երկնառաք շնորհները հայրենի մեր երկրում, մեր ժողովրդի կյանքում:

Հոգու առանձնակի ուրախություն է Մեզ համար ողջունել սրբազան այս արարողությանը ներկա Հայաստանի Հանրապետության նախագահ տիար Սերժ Սարգսյանին, Լեռնային Ղարաբաղի Հանրապետության նախագահ տիար Բակո Սահակյանին, Լեռնային Ղարաբաղի Հանրապետության վաստակյալ նախագահ տիար Արկաղի Ղուկասյանին, պետական բարձրաստիճան հարգարժան այրերին եւ հավատավոր Մեր բոլոր զավակներին:

Հայոց հինավուրց մայրաքաղաք Արտաշատում վեր հառնած այս հռչակերտ Եկեղեցին, հիրավի, նոր հոգեւոր շունչ եւ վերելք է բերելու համայնքային կյանքում՝ հրավիրելով աղոթքի, աստվածպաշտության, ազնիվ ու արդար, հայրենաշեն եւ ազգանվեր գործերի: Եկեղեցու կամարների ներքո բարեպաշտ հայորդիք պիտի գորանան ոգով, առ Աստված սիրով, ստանան հոգեւոր մխիթարություն՝ իրենց սրտերում գոհաբանության զգացումով հնչեցնելով սաղմոսերգուի խոսքերը. «Տէ՛ր, սիրեցի Քո տան վայելչությունը եւ Քո փառքի բնակության վայրը»:

Եկեղեցին Բարձրյալի ներկայությունն է մեր կյանքում, ուր ամեն հավատավոր՝ աշխատավոր թե իշխանավոր, այր թե կին, երիտասարդ թե տարեց, խոնարհությամբ են մուտք գործում, իրենց հոգու հայցը բարձրացնում առ Աստված, գոհաբանություն մատուցում Տիրոջն Իր անգին պարգեւների, Իր հայրական խնամքի եւ օրհնությունների համար: Եկեղեցին սրբություն է



Եկեղեցին Բարձրյալի ներկայութիւնն է մեր կյանքում...



Տիրոջ խաչելության այս նվիրական պատկերի առջև եկեղեցի
այցելող հավատացյալները պիտի աղոթք վերառաքեն առ Բարձրյալ Տերը՝
հայցելով Նրա հովանին մեր ազգի ու հայրենիքի համար



Արտաշատի Նորակառույց Ս. Հովհաննես եկեղեցին

պարգևում՝ իր նվիրական կամարների ներքո համախմբված հավատացյալների հոգիներից ներս հեղելով աստվածային կենարար շնորհները, առաջնորդելով Աստծո հետ աղոթական հաղորդակցության, Տիրոջ հետ մերձավորության: Աղոթավայրի օրինյալ հարկից ներս Սուրբ Հոգու շնորհների ներագոյացությամբ սրբության կնիքն ու դրոշմն է կրում հավատացյալ անձը, պայծառակերպվում ու մաքրագործվում, ինչպես այս մասին վկայում է առաքյալը. «Ամբողջ կառույցը Տիրոջով վերածում է տաճարի, որի մեջ դուք էլ նրա հետ կառուցվում եք որպես բնակարան Աստծո՝ Սուրբ Հոգու միջոցով» (Եփես. Բ. 21-22):

Մեր Սուրբ Եկեղեցին հայի հոգու ծննդավայրն է, ինչպես բնորոշում է մեր մեծանուն բանաստեղծ Վահան Թեքեյանը, քանզի մեր Մայր Եկեղեցու սուրբ ավագանից ենք ի հոգեւորս ծնվում իբրեւ քրիստոնյա, այստեղ ենք գործություն ստանում հոգեւոր կյանքի եւ առաքինի գործերի համար: Եկեղեցու հովանու ներքո հաղորդակցվում ենք մեր հոգեւոր-ազգային դարավոր արժեքներին, մեր պատմությանը, մեր հայրերի՝ ազգային մեր ինքնությունը ձեւավորած անգին ժառանգությանը: Այստեղ ենք ճանաչվում որպես հետնորդները Աստծո խոսքը հայերեն հնչեցրած, հայոց գրերը երկնած Մեսրոպ Մաշտոցի եւ հայոց ոսկեդարը կերտած նրա աշակերտների, հայ ոգու, նկարագրի վրա անջնջելի դրոշմ տպավորած Վարդան Մամիկոնյանի, Գրիգոր Նարեկացու, Ներսես Շնորհալու, Յեղասպանության մեր սուրբ նահատակների, մեր բազում սրբերի, որոնք իրենց կյանքը դարձրին ընծայաբերում Աստծուն, ազգին ու հայրենիքին: Ահա այսպես է Եկեղեցին՝ ամուր բերող մեր ազգային ինքնության պահպանության, ազգային նկարագրի կերտման ու ինքնագիտակցության ամրապնդման, ամուր բերող է մեր հավատքի, քանզի ըստ տերունական առակի՝ սա Քրիստոս վեմի վրա հաստատված այն տունն է, որն անասան ու գորեղ է պահում այստեղ բնակվող իր զավակներին: Եկեղեցու կառուցումը նաեւ ոգեկոչում է հիշատակը Յեղասպանության մեր նահատակների, որոնք գոհվեցին անկախ ու ազատ հայրենիքի տեսիլքն իրենց հոգում՝ երագելով, որ մեր ժողովուրդը պետականության հովանու ներքո հայրենյաց հավատքով գորացյալ՝ շենացնի իր կյանքը, պայծառացնի ազգային-եկեղեցական անդաստանը:

Սիրելի՛ բարեպաշտ զավակներ Մեր, Յեղասպանության մեր սուրբ նահատակների կտակին հավատարիմ՝ այսօր դիմակայենք մեր կյանքում առկա դժվարություններին, չվիսավենք ու չտկարանանք խնդիրների, մարտահրավերների առջեւ, այլ հավատքով գորացյալ եւ առ Աստված ապավինությամբ իրականություն դարձնենք մեր բարօր ու առաջադեմ կյանքի, լուսավոր, հզոր հայրենիքի տեսիլքը: Միշտ բանուկ պահեք ճանապարհը դեպի այս սուրբ

եկեղեցին եւ ամրապնդեք ձեր կամքը, ուժն ու կորովը՝ ձեր սրտերում կրելու լուսեղեն պատգամները մեր Տեր Հիսուս Քրիստոսի, ապրելու աստվածահաճո ընթացքով, հաղթահարելու մեր կյանքի դժվարությունները, մշտապես հաստատուն լինելու հավատքի, հայրենասիրության եւ ազգասիրության մեջ: Բարիք պիտի լինի ձեզ համար հաճախ այցելել եկեղեցի, աղոթամատույց մասնակցել աստվածպաշտական արարողություններին, քանզի ձեզ համար այս եկեղեցուց, որ Տիրոջ տունն է ու Նրա փառքի բնակության վայրը, մշտապես ճառագելու է Ավետարանի լույսը, հեղվելու են երկնային շնորհները ձեր եւ ձեր զավակների հոգիներից ներս՝ դառնալով առաջնորդության լույս, ամրություն ու պահպանություն դեպի Աստված ճշմարիտ ուղիներում: Հավատքը եւ եկեղեցասիրության ոգին վառ են եղել Արտաշատի հավատավոր զավակներիդ սրտերում, բարեպաշտ ընթացքով այստեղ ապրող հայորդիներդ միշտ հաստատուն եք եղել աստվածպաշտության շավիղներում, նաեւ որպես ուխտավոր՝ հաճախ այցելելով նվիրական Խոր Վիրապ վանքը՝ Սուրբ Գրիգոր Լուսավորչի բարեխոսությամբ Աստծո օրհնությունը հայցելու ձեր կյանքի ու հայրենի մեր երկրի համար:

Սիրելիներ, Ս. Հովհաննես եկեղեցու օծման հոգեւորոգ այս առիթով գոհունակ սրտով Հայրապետական Մեր օրհնությունն ու բարձր գնահատանքն ենք բերում եկեղեցու բարերարին՝ Հայաստանի Հանրապետության մեծարգո վարչապետ տիար Հովիկ Աբրահամյանին: Ուրախությամբ ենք անդրադառնում, որ մեր Սուրբ Եկեղեցու պայծառության նախանձախնդրության կրողն է նաեւ բարերարի որդին՝ տիար Արգամ Աբրահամյանը, ով տարիներ առաջ հանձն առավ Արարատի մարզի Մխչյան գյուղի Ս. Հովհաննես եկեղեցու նորոգության աշխատանքների գովարժան հովանավորությունը՝ բարի ավանդ բերելով գյուղում հոգեւոր-եկեղեցական կյանքի առաջընթացին: Մեր գնահատանքն ենք բերում Աբրահամյան ընտանիքին՝ ներդրած եկեղեցաշեն կարելուր նպաստի համար եւ փառք ենք մատուցում Ամենակալ Աստծուն, որ մեր Սուրբ Եկեղեցին գորանում է իր հավատացյալ զավակների աստվածահաճո գործերով ու նախաձեռնություններով: Ի գնահատություն եկեղեցական անդաստանում տիար Հովիկ Աբրահամյանի բարի ավանդի՝ գոհունակ սրտով այսօր շնորհում ենք նրան Առաքելական մեր Սուրբ Եկեղեցու «Սուրբ Գրիգոր Լուսավորիչ» պատվո բարձրագույն շքանշանը՝ մաղթելով նորանոր հաջողություններ գործունեության մեջ: Հայրապետական Մեր գնահատանքն ենք բերում նաեւ Արարատյան Հայրապետական թեմի առաջնորդական փոխանորդ Գերաշնորհ Տ. Նավասարդ արքեպիսկոպոս Կճոյանին եւ թեմի հոգեւոր դասին՝ գովարժան ծառայության, հավատավոր հայորդիների հոգեւոր խնամքի, հոգեւոր-եկեղեցական մեր կյանքի առաջընթացին բերած ջանքերի համար:

Այս տոնական օրը նորած եկեղեցուն ենք նվիրում մեր Տեր Հիսուս Քրիստոսի խաչելության սրբապատկերը՝ նկարված հայ մանրանկարչության ավանդույթներով: Տիրոջ խաչելության այս նվիրական պատկերի առջեւ եկեղեցի այցելող հավատացյալները պիտի աղոթք վերառաքեն առ Բարձրյալ Տերը՝ հայցելով Նրա հովանին մեր ազգի ու հայրենիքի համար:

Թող Աստված միշտ պայծառ պահի նորակերտ այս եկեղեցին՝ ի վայելումն եւ ի մխիթարություն հավատացյալ Մեր գավակների: Թող մեր սուրբ եկեղեցիների խորաններից սփռվող օրհնությունը հանապազ տարածվի մեր կյանքում, հովանի լինի Հայաստան եւ Արցախ հայրենի մեր երկրին, աշխարհասփյուռ հայ կյանքին, որպեսզի մեր ժողովուրդը ապրի անվրդով խաղաղության, ապահովության մեջ ու կերտի իր լուսավոր գալիքը:

Մեր Տեր Հիսուս Քրիստոսի սերը, շնորհը եւ օրհնությունը թող միշտ լինեն ձեզ հետ եւ ամենքի. ամեն: